

Medietilsynet
Nygata 4
1607 FREDRIKSTAD

Dykkar ref.

Vår ref.
25/675-1/ASV

Dato
28.05.2025

Innspel til Medietilsynet om mediestøtteordningane

Språkrådet kjem her med innspel i samband med oppdraget frå Kultur- og likestillingsdepartementet til Medietilsynet om å utarbeida kunnskapsgrunnlaget for det fireårige styringssignalet for mediestøtta for perioden 2027-2031.

I arbeidet med utgreiinga av mediestøtteordningane, og i vurderinga av nyheitsbruken til unge og om støtteordningane er tilpassa teiknspråklege medium, er det sentralt å vurdere korleis mediestøtteordningane kan bidra til å oppretthalda og styrka det språklege mangfaldet i mediesektoren, i tråd med føresegnene i språklova om det offentlege sitt ansvar for å styrka norsk språk (bokmål og nynorsk) og det tradisjonelle språkmangfaldet i Noreg. Eit døme på dette mangfaldet er den store floraen av aviser som bruker nynorsk som redaksjonelt språk. I tråd med språkpolitiske og kulturpolitiske mål må dette tilbodet bli styrkt, og ikkje svekt, når ein vurderer endringar i mediestøtta. Språkrådet vil også understreke behovet for ei styrking av medietilbodet på norsk teiknspråk, i tråd med tilrådingane frå NOU 2023:20 *Tegnspråk for livet*.

I oppdraget om å vurdere tiltak som kan stimulera nyheitsbruken til barn og unge vil Språkrådet peika på behovet for å styrka det norskspråklege nyheitstilbodet (særleg på nynorsk) retta mot denne målgruppa, og å finna tiltak som gjer at ein når desse målgruppene med tilbodet. «Barn og medier»-undersøkinga (2024) frå Medietilsynet viser at nyheiter er eit domene der barn og unge bruker innhald på norsk. Samstundes veit vi at unge i mindre grad enn eldre brukar redaktørstyrte medium. Ei styrking av nyheitskonsumet på norsk i denne aldersgruppa er viktig språk- og kulturpolitisk, men også heilt avgjerande for å trygga ytringsfridomen til barn og unge i det norske samfunnet, i tråd med infrastrukturkravet i grunnlova § 100.

Dersom det er spørsmål til innspela eller behov for avklaringar, bistår Språkrådet gjerne.

Vennleg helsing
Lars Ivar Nordal
avdelingsdirektør

Annvor Seim Vestrheim
seniorrådgjevar

Brevet er elektronisk godkjent og blir sendt utan underskrifter.

Mottakarar:

Medietilsynet

Nygata 4

1607

FREDRIKSTAD